

OKRUŽNI PRIVREDNI SUD U ISTOČNOM SARAJEVU

Broj: 061-0-Su-26-000054

Istočno Sarajevo 28.01.2026. godine

PRILOG A

**Strateški plan rada
2025–2027.
Godišnji program rada
za 2026. godinu
OKRUŽNI PRIVREDNI SUD U ISTOČNOM SARAJEVU**

SADRŽAJ

1. Uvodna riječ predsjednice suda
2. Opis nadležnosti suda, strateški cilj sa vizijom i izjavom o misiji
3. Opći podaci o unutrašnjoj organizaciji suda i kadru, infrastrukturnim i materijalno-tehničkim kapacitetima
4. Sažetak analize strateškog okvira
5. Sažetak prioriteta za plansku godinu, kao i procjene mogućih problema i rizika u realizaciji
6. Analiza unutrašnjeg i vanjskog okruženja u kojem radi sud
7. Pregled strateških i srednjoročnih (trogodišnjih) ciljeva za period planiranja
8. Prijedlog godišnjih aktivnosti suda po srednjoročnim (trogodišnjim) i strateškim ciljevima, uz utvrđene rokove i nositelje aktivnosti
9. Godišnji plan rješavanja sudskih predmeta

1. Uvodna riječ predsjednice suda

Visoko sudsko i tužiteljsko vijeće Bosne i Hercegovine (u daljem tekstu: VSTV), na svojoj sjednici održanoj dana 12.05.2020. godine usvojilo je Uputstvo za strateško planiranje i izvještavanje u sudovima u Bosni i Hercegovini (u daljem tekstu: Uputstvo).

Uputstvom je utvrđena obveza izrade godišnjeg programa rada sudova, koji treba da sadrži strateške ciljeve ili mjerljive pokazatelje za praćenje srednjoročne ili dugoročne realizacije programa rada, sve sa ciljem razvijanja kvalitetnije strateške osnove za srednjoročno planiranje i uvezivanje sa budžetom.

Strateško planiranje treba pomoći sudovima da planiraju svoje buduće aktivnosti, utvrde prioritete, efikasno rasporede ljudske i materijalne resurse te da prate napredak u odnosu na utvrđene strateške ciljeve.

Planiranjem i implementacijom konkretno definiranih aktivnosti, Okružni privredni sud u Istočnom Sarajevu osigurava snažnu argumentaciju za obezbjeđenje podrške nadležnih ministarstava i bolje razumijevanje potreba ove pravosudne institucije, s jedne strane, te ovakav pristup doprinosi unapređenju transparentnosti rada suda i usmjeravanje da njen rad bude u najvećoj mjeri orijentiran na odgovaranje potrebama poslovne zajednice, s druge strane.

Na mjesto predsjednice suda sam stupila na dužnost 15.05.2023. godine i odmah poduzela sve mjere i aktivnosti kako bi se u većoj mjeri poboljšala ažurnost i transparentnost suda, poboljšao kvalitet sudskih odluka i povećalo povjerenje javnosti u ovu pravosudnu instituciju.

Od kraja tekuće godine sud djeluje u punom sastavu što se tiče sistematiziranog broja nositelja pravosudne funkcije, dok je sa ostalim zaposlenicima stanje djelimično jer je jedan od stručnih suradnika, od ukupno dva, od septembra mjeseca na bolovanju zbog održavanja trudnoće nakon čega će koristiti porodiljno odsustvo. Radno mjesto nije popunjeno zamjenom jer od Ministarstva pravde RS nije dobijen odgovor na nekoliko upućenih zahtjeva za suglasnost, a koje smo u obvezi tražiti sukladno Zakonu o sudovima RS. Od jula 2025. godine angažiran je pripravnik-volonter po osnovu ugovora o osposobljavanju (volonterskom radu).

U realizaciji Strateškog plana rada za period 2025-2027. godine te predmetnog Godišnjeg programa rada za 2026. godinu, bit će uključeni svi ljudski resursi suda (sudije i nesudsko osoblje) kao i raspoloživa materijalna i tehnička sredstva.

2. Opis nadležnosti suda, sa vizijom i izjavom o misiji

NADLEŽNOST SUDA (MANDAT):

Okružni privredni sud u Istočnom Sarajevu započeo je sa radom, kao novoosnovana pravosudna institucija prvog stupnja, dana 01.05.2010. godine sukladno odredbi člana 29 b) Zakona o sudovima Republike Srpske (Službeni glasnik Republike Srpske br. 27/2012), sa specijalnom stvarnom nadležnošću koja pokriva prostorno područje opština Sokolac, Pale, Istočni Stari Grad, Istočno Novo Sarajevo, Istočna Ilidža, Trnovo, Višegrad, Rudo, Rogatica, Novo Goražde, Vlasenica, Šekovići, Han Pijesak i Milići, a koja je utvrđena odredbom čl. 33 Zakona o sudovima Republike Srpske (Službeni glasnik Republike Srpske br. 37/12, 44/15, 39/16, 100/17).

Okružni privredni sud u Istočnom Sarajevu, kao prvostepeni sud, tako, odlučuje:

- a) u parničnim i vanparničnim sporovima koji se odnose na prava i obaveze po osnovu pravnog prometa roba, usluga, vrijednosnih papira, vlasničkih i drugih stvarnih prava na nekretninama, kao i na prava i obaveze proistekle iz vrijednosnih papira, u kojima su stranke u postupku pravna lica ili fizička lica koja u svojstvu preduzetnika i u drugom svojstvu obavljaju privrednu ili drugu registrovanu djelatnost u vidu osnovnog ili dopunskog zanimanja,
- b) u sporovima koji nastanu u primjeni Zakona o privrednim društvima ili bilo kojeg drugog propisa koji se odnosi na organizaciju i status privrednih društava, rješavanje sporova nastalih između članova privrednog društva međusobno te između članova društva i privrednog društva, a tiču se položaja članova u privrednom društvu, upravljanja privrednim društvom i vođenja poslova koji proizlaze iz njihovog položaja u društvu,
- c) u sporovima iz autorskog prava, srodnih prava i prava industrijske svojine;
- d) u sporovima nastalim povodom djela za koja se tvrdi da predstavljaju nelojalnu konkurenciju ili monopolistički sporazum,
- e) u postupcima stečaja i likvidacije u skladu sa zakonom, kao i u svim sporovima koji nastanu u toku i povodom sprovođenja postupka stečaja i likvidacije,
- f) u poslovima registracije pravnih lica ili samostalnih preduzetnika uređenih Zakonom o upisu poslovnih subjekata u sudski registar,
- g) o sprovođenju izvršnog postupka po pravosnažnim izvršnim sudskim odlukama privrednih sudova,
- h) o sprovođenju izvršnog postupka po vjerodostojnim ispravama u kojima su obje stranke u postupku pravna lica ili fizička lica koja u svojstvu samostalnog preduzetnika ili u drugom svojstvu obavljaju privrednu ili drugu registrovanu djelatnost u vidu osnovnog ili dopunskog zanimanja i po izvršnim notarskim ispravama u kojima su obje stranke u postupku pravna lica,
- i) o određivanju mjera obezbjeđenja,
- j) o pružanju pravne pomoći sudovima u Republici Srpskoj i Bosni i Hercegovini iz svoje nadležnosti,
- k) o obavljanju poslova međunarodne pravne pomoći iz svoje nadležnosti,
- l) o sporovima koji nastanu stranim ulaganjima i
- m) o obavljanju i drugih poslova uređenih zakonom.

Misija

Okružni privredni sud u Istočnom Sarajevu u okviru svojih nadležnosti propisanih zakonom osigurava građanima i poslovnim subjektima efikasan sistem pravde zasnovan na pravilnoj primjeni Zakona i provedbenih akata uz poštivanje i zaštitu najviših međunarodnih i domaćih pravnih standarda.

Vizija

Okružni privredni sud u Istočnom Sarajevu kao neovisna, profesionalna i efikasna pravosudna institucija svojim zakonitim i transparentnim radom, suđenjem u razumnom roku ostvaruje princip vladavine prava kao ključni segment pravnog sustava s ciljem stjecanja još većeg povjerenja građana u efikasan i neovisan sustav pravosuđa u cjelini.

3. Opći podaci o unutrašnjoj organizaciji suda i kadru, infrastrukturnim i materijalno-tehničkim kapacitetima

Organizacija i način unutrašnjeg sudskog poslovanja Okružnog privrednog suda u Istočnom Sarajevu uređena je Zakonom o sudovima Republike Srpske, Pravilnikom o unutrašnjem sudskom poslovanju, te internim aktima suda.

U Okružnom privrednom sudu u Istočnom Sarajevu nema osnovanih sudskih odjeljenja, a referati u kojima se postupa i odlučuju su:

- parnični privredni sporovi velike vrijednosti spora (preko 5.000,00 KM) oznake „PS“, male vrijednosti predmeta spora (do 5.000,00 KM) oznake „Mals“ i komunalni privredni sporovi oznake Mals-Kom
- predmeti likvidacije (predmeti oznake: L) uključujući tu i aktivnost na likvidaciji privrednih društava po službenoj dužnosti (predmeti oznake L-Reg)
- predmeti restrukturiranja i stečaja (predmeti oznake: Res i St)
- vanparnični predmeti (predmeti oznake: V)
- predmeti pružanja pravne pomoći (predmeti oznake: Pom, Mpom)
- predmeti privrednih izvršenja na osnovu izvršne isprave, vjerodostojne isprave i komunalni predmeti izvršenja (predmeti oznake: Ip-Ip, Ip-Kom)
- predmeti registracije poslovnih subjekta (predmeti oznake : Reg i RegZ)
- predmeti sudskih mjera osiguranja (predmeti oznake: Ps-Mo i Mals-Mo).

Sve vrste predmeta u nadležnosti Okružnog privrednog suda u Istočnom Sarajevu unijete su u informatički automatski sistem upravljanja predmetima u sudovima (CMS) osim predmeta registracije poslovnih subjekata (Reg) u kojima se postupa u posebnom Jedinostvenom informacionom sistemu registracije poslovnih subjekata (JIS) uvezanom sa Agencijom za posredničke, informatičke i finansijske usluge (APIF), te predmeta postupanja po raznim zahtjevima u vezi sudskog registra (RegZ).

Pravilnikom o unutrašnjoj organizaciji i sistematizaciji radnih mjesta u Okružnom privrednom sudu u Istočnom Sarajevu broj 61-0-Su-24-000733 od 26.08.2024. godine na koji je svoju

suglasnost dalo Ministarstvo pravde Republike Srpske broj suglasnosti 08.030/020-2500/24 od 30.09.2024. godine sistematizirano je 4 sudijske pozicije od kojih je jedna ujedno i predsjednika suda, te ukupno 23 (dvadeset i tri) radnika za vršenje administrativnih i pomoćno-tehničkih poslova (sada ih je zaposleno 18 na neodređeno vrijeme). Pravilnikom je također predviđen i 1 sudijski pripravnik i 3 (tri) pripravnika – volontera od kojih je jedan od jula angažiran po osnovu ugovora o stručnom osposobljavanju (volonterskom radu) sa pripravnikom-volonterom.

Naime, budžet za 2026. godinu („Službeni glasnik Republike Srpske“, broj: 114/25) usvojen je u iznosu od 1.241.200 KM, što je neznatno povećanje u odnosu na prošlogodišnji koji je iznosio 1.177.000 KM, a razlika od 64.200,00 KM iznosi povećanje za plaće i osnovna sredstva umjesto dosadašnjih 5.000,00 KM bez PDV-a budžetom za 2026. godinu predviđeno je 20.000,00 KM sa PDV-om, dok su neke stavke u budžetu umanjene u odnosu na 2025. godinu.

4. Sažetak analize strateškog okvira

Strateški okvir u oblasti pravosuđa, kao osnova predmetnog strateškog planiranja, čine naročito:

- Zakon o sudovima Republike Srpske (uređena organizacija, nadležnost i funkcioniranje suda)
- Pravilnik o unutrašnjem sudskom poslovanju (uređena organizacija i način unutrašnjeg poslovanja suda i druga pitanja od značaja za unutrašnje sudsko poslovanje),
- Uputstvo za izradu Plana rješavanja predmeta (propisana obaveza sudova da donose planove, sadržaj plana, praćenje provođenja plana te angažman predsjednika suda u realizaciji plana),
- Strategija reforme sektora pravde u Bosni i Hercegovini (usuglašavanje prioriteta razvoja sektora pravde i realne reformske aktivnosti u pravcu jačanja i održavanja neovisnog, nepristranog i profesionalnog pravosuđa),
- Pribeov izvještaj (naglašava da je dužnost svih javnih organa i svih sudova da poštuju i obezbjeđuju poštovanje visokih standarda prava građana, kao i da se svi zakoni moraju tumačiti i primjenjivati na način da se ostvaruju prava građana proklamovana Ustavom),
- Srednjoročna strategija za početnu obuku i stručno usavršavanje sudija i tužilaca (razvoj sistema mentorstva u okviru početne obuke te razvoj sudijskih kompetencija radi pravilne primjene zakona i drugih propisa, ujednačavanja sudske prakse radi razvijanja pravne sigurnosti),
- Zakon o slobodi pristupa informacijama (jačanje transparentnosti rada suda),
- Zakon o zaštiti prava na suđenje u razumnom roku (utvrđuje zaštitu prava na suđenje u razumnom roku kao i pravo na pravično zadovoljenje koje se ostvaruje u sudskom postupku),
- Strateški dokumenti EU- Agenda 2030 i Ciljevi održivog razvoja u sustavu planiranja i upravljanja razvojem (stvaranje boljeg društva i budućnosti gdje niko neće biti isključen te gdje su ljudi, prosperitet, mir, partnerstvo i briga za planetu Zemlju u središtu bolje i zajedničke budućnosti),
- Projekat tehničke pomoći Svjetske banke: Unapređenje poslovne klime kroz bolje procesuiranje privrednih predmeta u BiH (cilj da se otklone slabosti i loši rezultati u rješavanju privrednih sporova),
- Komunikacijska strategija VSTS BiH i Komunikacijske strategija Okružnog privrednog suda u Istočnom Sarajevu (poboljšanje imidža pravosuđa i jačanje povjerenja javnosti u pravosudni sistem).

a. Strateški cilj

Unapređenje efikasnosti, odgovornosti, transparentnosti, dostupnosti, kvalitete i neovisnosti Okružnog privrednog suda u Istočnom Sarajevu, koji ima za svrhu poboljšanje rada ovog suda postizanjem bolje organizacije rada i veće ažurnosti kroz brže i kvalitetnije donošenje odluka, što u konačnici ima za cilj unapređenje rada ove pravosudne institucije, veće zadovoljstvo korisnika usluga suda i jačanje povjerenja građana u rad ove pravosudne institucije.

Dakle, prioriteti Okružnog privrednog suda u Istočnom Sarajevu u navedenom i nastupajućem periodu su povećanje efikasnosti ove pravosudne institucije, poboljšanje kvaliteta sudskih odluka, poboljšanje unutarnje organizacije, veća ažurnost u postupanju, poboljšanje profesionalnog i etičkog ponašanja uposlenika, poboljšanje materijalno-tehničkih uvjeta rada i sigurnosti, bolja suradnja sa svim ključnim institucijama: VSTV, Ministarstvo pravde RS i Advokatske i Notarske komore, kao i transparentan odnos s javnošću.

5. Sažetak prioriteta za plansku godinu, kao i procjene mogućih problema i rizika u realizaciji

U planskoj 2026. godini strateški cilj Okružnog privrednog suda u Istočnom Sarajevu dijelim na dva segmenta i to:

- strateški cilj br. 1 - Unapređenje efikasnosti i efektivnosti rada suda
- strateški cilj br. 2 - Transparentnost rada suda.

Prvim strateškim ciljem („Unapređenje efikasnosti i efektivnosti rada suda“) želi se ostvariti postulat suđenja u razumnom roku kroz smanjenje broja neriješenih starih predmeta sa visokim standardom kvaliteta sudskih odluka, a drugim strateškim ciljem („Transparentnost rada suda“) želi se adekvatno i blagovremeno informirati javnost u vezi rada suda.

U pravcu ostvarenja dva strateška cilja, kao predsjednica suda ću:

- obezbijediti da se poslovi i zadaci suda, uključujući poslove sudske uprave obavljaju zakonito, uredno i blagovremeno,
- redovno održavati kolegije sudija i sastanke sa zaposlenicima suda,
- pratiti i kontrolirati rješavanje predmeta prema starosti inicijalnog akta,
- pratiti rješavanje stečajnih predmeta i predmeta u vezi i proisteklih iz stečaja,
- starati se da se potpuno realizira Program edukacije sudija i ostalih zaposlenika suda,
- organizirati poslove u sudu u cilju blagovremenog i adekvatnog informiranja javnosti o radu suda, posvetivši veću pažnju kontroli redovnog ažuriranja sadržaja web stranice, te povećavanju broja objava na oficijalnim društvenim platformama.

Potencijalne prepreke u realizaciji strateških ciljeva, predsjednica suda vidi u:

- mogućoj nedovoljnosti finansijskih sredstava odobrenih godišnjim budžetom,
- neplaniranog odsustva sa radnog mjesta (posebno bolovanja NPF i zaposlenika).

6. Analiza unutrašnjeg i vanjskog okruženja u kojem radi sud (SWOT analiza)

UNUTARNJI FAKTORI/ČIMBENICI	SNAGE (STRENGTHS)	SLABOSTI (WEAKNESSES)
	- kadrovska popunjenost - solidna tehnička opremljenost - pokrivenost poslovnih procesa internim aktima suda - timski rad - evaluacija radnog učinka kroz ocjenjivanje - otvorenost suda javnosti	- smanjena brzina rada u CMS V3 kao u novoj verziji CMS-a - nepostupanje po predmetima iz Plana rješavanja predmeta - nedovoljna transparentnost usljed specifičnosti materije, tehničkih i drugih okolnosti - odsustvo nadzora nad radom stečajnih upravitelja, odsustvo kontrole nad kompetencijama i imenovanjima stečajnih upravitelja općenito (ovo se ne odnosi na konkretne predmete nego na liste stečajnih upravitelja koje formira Ministarstvo pravde RS) - neopravdane odgode/odlaganja ročišta
VANJSKI FAKTORI/ČIMBENICI	PRILIKE (OPPORTUNITIES)	PRIJETNJE (THREATS)
	- učešće u projektima unapređenja kvaliteta pravosuđa - pravna sigurnost - privlačenje donatorskih sredstava - adekvatno planiranje budžeta suda - suradnja sa Centrom za edukaciju sudija i tužitelja, Ministarstvom pravde i drugim institucijama u pravcu stručnog usavršavanja sudija i nesudskog osoblja	- ograničenja u kreiranju i realizaciji budžeta jer nadležna Ministarstva predložene stavke budžeta ne odobravaju prema stvarnim potrebama suda nego raspoloživim finansijskim sredstvima na nivou Entiteta, što ne odgovara stvarnim potrebama - odsustva sudija i nesudskog osoblja uslijed bolovanja - nepovoljno medijsko izvještavanje - opća ekonomska kriza - odsustvo volje privrednih subjekata da privredne sporove rješavaju putem alternativnih načina rješavanja

7. Pregled strateških i srednjoročnih (trogodišnjih) ciljeva za period planiranja

Naziv strateškog cilja (maksimalno 3-5 strateških ciljeva)	Izvor ¹ (veza sa ciljevima iz strateškog okvira)	Program u DOB-u (upisati broj i naziv programa)	Partneri (institucije sa kojima sud zajedno učestvuje u realizaciji strateškog cilja)
Unapređenje efikasnosti i efektivnosti rada suda	Strategija reforme sektora pravde u Bosni i Hercegovini; Uputstvo VSTV BiH za izradu Plana rješavanja predmeta; Zakon o zaštiti prava na suđenje u razumnom roku; Projekat tehničke pomoći Svjetske banke; Unapređenje poslovne klime kroz bolje procesuiranje privrednih predmeta u BiH	/	VSTV BiH; Viši privredni sud RS; JU Centar za edukaciju sudija i tužitelja Republike Srpske
Transparentnost rada suda	Komunikacijska strategija VSTV BiH i Komunikacijska strategija Okružnog privrednog suda u Istočnom Sarajevu; Zakon o slobodi pristupa informacijama;	/	VSTV; mediji

B. Prijedlog ciljeva i godišnjih aktivnosti suda po srednjoročnim (trogodišnjim) i strateškim ciljevima, uz utvrđene rokove i nositelje aktivnosti

Strateški cilj 1.		Unapredjenje efikasnosti i efektivnosti suda		
Trogodišnji cilj 1.1.		Smanjenje broja neriješenih i starih predmeta u sudu		
Pokazatelji za izlazne rezultate		Očekivani rezultati po godinama		
		2025 (n)	2026 (n+1)	2027 (n+2)
Procenat riješenih predmeta u odnosu na neriješene na stečajnom referatu		45%	55%	60%
Procenat riješenih parničnih predmeta u odnosu na neriješene predmete		55%	60%	65%
Procenat riješenih predmeta izvršenja u odnosu na neriješene		70%	75%	80%
Redni broj	Naziv aktivnosti za 2026. godinu	Rok izvršenja (po kvartalima u 2026. godini)	Nosilac (najmanji organizacioni dio)	
1.	Ravnomjerna raspodjela predmeta	I-IV	Predsjednik suda	
2.	Redovna analiza izvještaja o radu suda sa posebnim osvrtom na realizaciju Plana rješavanja predmeta	I-IV	Predsjednik suda Sekretar suda	
3.	Analiza razloga trajanja neriješenih predmeta stečaja	I-IV	Predsjednik suda sudije	
4.	Aktivnija suradnja sa stečajnim upraviteljima	I-IV	Predsjednik suda i stečajne sudije	
5.	Analiza broja predmeta proizašlih iz stečaja	I-IV	Predsjednik suda Sekretar suda IKT službenik	

Trogodišnji cilj 1.2.		Unapredjenje kvaliteta sudskih odluka		
Pokazatelji za izlazne rezultate		Očekivani rezultati po godinama		
		2025 (n)	2026 (n+1)	2027 (n+2)
Procenat potvrđenih i preinačenih odluka u odnosu na broj ukinutih odluka		93 %	93,5 %	94 %
Redni broj	Naziv aktivnosti za 2026. godinu	Rok izvršenja (po kvartalima u 2026. godini)	Nosilac (najmanji organizacioni dio)	
1.	Unapređenje interne baze sudskih odluka	I-IV	Predsjednik suda Stručni suradnici	

	iz privredno pravne oblasti		Sekretar suda
2.	Edukacija predsjednika suda i sudija, u saradnji sa VSTV i CEST-om RS	I-IV	Predsjednik suda i sudije

Strateški cilj 2.		Transparentnost rada suda		
Trogođišnji cilj 2.1.		Objave na web stranici suda		
Pokazatelji za izlazne rezultate		Očekivani rezultati po godinama		
		2025 (n)	2026 (n+1)	2027 (n+2)
Broj objava na web stranici suda		24	36	48
Redni broj	Naziv aktivnosti za 2026. godinu	Rok izvršenja (po kvartalima u 2026. godini)		Nosilac (najmanji organizacioni dio)
1.	Objava planova i izvještaja o radu suda te drugih informacija od interesa za javnost	I-IV		Predsjednik suda Sekretar suda IKT Službenik
2.	Objava postupaka javnih nabavki	I-IV		Predsjednik suda Sekretar suda IKT Službenik

Trogođišnji cilj 2.2		Pristup informacijama		
Pokazatelji za izlazne rezultate		Očekivani rezultati po godinama		
		2025 (n)	2026 (n+1)	2027 (n+2)
Usvojeni zahtjevi za pristup informacijama		100%	100%	100%
Redni broj	Naziv aktivnosti za 2026. godinu	Rok izvršenja (po kvartalima u 2026. godini)		Nosilac (najmanji organizacioni dio)
1.	Blagovremeno postupanje po zahtjevima za pristup informacijama	I-IV		Predsjednik suda Sekretar suda

C. Godišnji plan rješavanja sudskih predmeta

Plan rješavanja predmeta u Okružnom privrednom sudu u Istočnom Sarajevu, izrađuje se u skladu s važećim Uputstvom za izradu planova rješavanja predmeta usvojenog od strane VSTS-a i to za svaku kalendarsku godinu posebno.

U vezi Plana rješavanja predmeta, izrađuju se pismeni izvještaji (tromjesečni, polugodišnji, devetomjesečni i godišnji) te dostavljaju VSTV – Jedinici za efikasnost i predsjedniku Višeg privrednog suda u Banja Luci, te analiziraju na Kolegiju sudija.

U Plan rješavanja predmeta za 2026. godinu uključeni su svi nositelji pravosudnih funkcija u sudu, a Planom su obuhvaćena 262 predmeta.

Obzirom na broj i strukturu nezavršenih predmeta u 2025. godini, te na broj NPF koji rade na predmetima (troje sudija i predsjednicu suda) postoje realne mogućnosti da se riješe predmeti koji su ušli u Plan za 2026. godinu u visokom procentu (preko 92%), te da se riješava priliv predmeta, ostvari godišnja sudijska norma uz novoprimljene predmete koji će se rješavati sukladno principu obveznog rješavanja predmeta prema starosti inicijalnog akta i hitnosti.

Doprinos tome dati će i odluka o rasporedu poslova broj: 061-0-Su-26-000020 od 15.01.2026. godine koja je rezultat dosadašnjeg praćenja rada sudija a kojom je izvršena drugačija preraspodjela predmeta i izmijenjeni procenti zaduženja sudija u odnosu na prethodne godine.

D. Ostale informacije

PODACI O BROJU I STRUKTURI RADNIH MJESTA

Tabelarni pregled sistematiziranih radnih mjesta:

Predsjednica suda	1
Sudija	3
Stručni saradnik	2
Sekretar suda	1
Rukovodilac registra /viši referent u registru pravnih lica	1
Rukovodilac odjeljenja administrativno-tehničkih, opštih i pomoćno-tehničkih poslova	1
Rukovodilac odjeljenja za informaciono-komunikacione tehnologije referent za informacijske i komunikacijske tehnologije	1
Koordinator kabineta predsjednika suda i sudske uprave	1
Referent u registru pravnih lica	1
Koordinator i arhivar u registru pravnih lica	1
Stručni saradnik za arhivske poslove	1
Sudski izvršilac	1
Daktilograf	3
Saradnik sa srednjom stručnom spremom	1
Referent za unos dokumenata	1
Referent za upravljanje predmetima	1
Portir	1
Vozač	1
Sudijski pripravnik + volonter	1 + 3

Kako sam gore već navela uslijed nepopunjenosti sistematiziranih radnih mjesta od administrativnog osoblja u sudu je trenutno zaposleno 18 na neodređeno vrijeme, te tri NPF i jedan pripravnik-volonter.

Za popunjavanje preostalih pozicija i upražnjenje pozicije stručnog suradnika koji će odsustvovati sa posla duži period (bolovanje zbog čuvanja trudnoće i porodiljnog odsustva) neophodna su dodatna materijalna sredstva, kao i suglasnost nadležnog ministarstva, a ostvarivanje ovog cilja ne ovisi samo o mojim aktivnostima nego većinom o vanjskim faktorima (stanjem budžeta Entiteta).

MATERIJALNO TEHNIČKI UVJETI ZA RAD I SREDSTVA ZA RAD SUDA

Okružni privredni sud u Istočnom Sarajevu je smješten u zgradi Administrativni centar Vlade Republike Srpske u Istočnom Sarajevu na adresi Vojvode Radomira Putnika bb, koja nije adekvatan prostor za sud iako je u dobrom stanju. Na zgradi nema obilježja da se u istoj nalazi i ova pravosudna institucija što može dovesti (i dovodi) stranke u zabludu u vezi sjedišta suda (pogotovo stranke koje do sada nisu bile u sudu), prostor iako uređen i osposobljen nije funkcionalan za jednu pravosudnu instituciju. Naime, radi se o dvije fizički odvojene cjeline na istom katu koje dijeli stubište zajedničko za sve institucije koje se nalaze u tom dijelu zgrade, pa je upitna i sigurnost ove pravosudne institucije unutar zgrade u kojoj se nalazi.

Osim toga nedostaje prostor za arhivu jer su sve prostorije koje su sudu stavljene na raspolaganje maksimalno iskorištene i popunjene, a budući da sud veliki broj predmeta mora čuvati trajno (stečajni i likvidacijski predmeti, predmeti registracije poslovnih subjekata i drugi koji se sukladno zakonu trajno čuvaju u arhivi suda) neophodan je i adekvatan arhivski prostor.

Također ni službeno motorno vozilo kojim raspolaže ovaj sud nije adekvatno jer je preko 16 godina staro, često se kvari te je opravdana bojazan da to motorno vozilo neće biti sigurno za vožnju i neće moći služiti namjeni u budućem periodu.

Dakle, materijalno tehnički uvjeti ove pravosudne institucije nisu na zadovoljavajućem nivou.

Važno je istaći da i pored konstantnih napora koje sam poduzimala obraćajući se resornom ministarstvu i gradonačelniku, tijekom 2025. godine nije postignut rezultat. Materijalno-tehnički uvjeti za rad i sredstva su ostala ista a razlozi su ograničena budžetna sredstva suda, (ne)opravdana nespornost vlasnika zgrade u kojoj se sud nalazi da i pored postignutih dogovora poduzmu neophodne korake radi poboljšanja tih uvjeta.

-Sud se i dalje nalazi u zgradi Administrativnog centra Vlade RS kako je i naprijed navedeno, sa svim iznesenim nedostacima i problemima. Korake za rješavanje ovih pitanja poduzimam kontinuirano ali su isti u prekidu/zastoju usljed strukturalnih promjena u resornom ministarstvu te rezultat izostaje.

-Sud i dalje nema dovoljan arhivski prostor i nema adekvatno zakonom propisano obilježje.

-Sud na raspolaganju ima isto motorno vozilo starosti 16 godina.

U 2026. godini planirani su pregovori i sastanci u vezi poboljšanja materijalno-tehničkih uslova rada, pogotovo poduzimanja koraka radi obezbjeđenja adekvatnog prostora za ovu pravosudnu instituciju.

SREDSTVA ZA IZVRŠENJE STRATEŠKOG PLANA

Okružnom privrednom sudu u Istočnom Sarajevu odobren je Budžet za 2026. godinu uvećan u odnosu na 2025. godinu samo za povećanja plaća NPF i za osnovna sredstva dok je na ostalim

stavkama djelimično smanjen kako sam gore već navela. To ne znači da će budžetna sredstva biti dovoljna za potrebe ove institucije, jer se uporno odobrava minimalan iznos budžetnih sredstava koji ne bude dovoljan ni za potrebe osnovnih sredstava za rad, a pogotovo ne za neophodnu IKT opremu i službeno vozilo koje (oboje) uslijed zastarjelosti i dotrajalosti treba zamijeniti.

Da bi efekti ovog strateškog plana doveli do maksimalne ažurnosti suda, osim angažmana sudskog menadžmenta, sudija i administrativnog osoblja neophodno je da se osiguraju i prijeko potrebna realno odmjerena finansijsko - materijalna sredstva, a što je u prethodnim i tekućoj godini deficitarno.

Bitno je naglasiti da se svake godine postavi realan prijedlog budžeta za budžetna sredstva koji uključuje gore navedena neophodna materijalna sredstva za ažuran rad suda i da nadležno tijelo VSTV BiH da suglasnost na taj prijedlog ali i pored toga isti ne bude uvažen od nadležnih ministarstava.

Ovdje želim istaći da VSTV kao krovna pravosudna institucija treba konkretnije utjecati na nadležna ministarstva da prilikom odobravanja budžeta uzmu u obzir stvarne potrebe pravosudnih institucija, jer sama suglasnost VSTV-a na predloženi budžet nije urodila plodom (odobreno je manje od traženog za nekoliko stotina hiljada konvertibilnih maraka iako je VSTV na tražena budžetna sredstva ovog suda dalo svoju suglasnost).

U 2026. godini strateška orijentacija Okružnog privrednog suda u Istočnom Sarajevu će biti usmjerena na poduzimanje svih potrebnih aktivnosti radi zakonitog i blagovremenog izvršavanja poslova i zadataka koji proizlaze iz nadležnosti suda, sve kako bi se strankama omogućilo brzo i ekonomično ostvarivanje prava koja im po zakonu pripadaju, povećala transparentnost, efikasnost i zakonitost rada suda, odnosno integritet ove pravosudne institucije podigao na viši nivo.



Predsjednica suda
Sandra Radoš-Čatak